

Pohađa ukupno 2.035 učenika

Nastavak 'Škole plivanja'

Tokom sastanka razmatran je dosadašnji tok realizacije tog programa

U Ministarstvu za odgoj i obrazovanje Kantona Sarajevo održan je sastanak s predstavnicima Olimpijskog bazena Otoka, o realizaciji Programa „Škola plivanja“ za učenike četvrtog razreda osnovnih škola u Kantonu Sarajevo. U okviru tog programa nastavu plivanja, na Olimpijskom bazenu Otoka, pohađa ukupno 2.035 učenika s područja općina Novi Grad, Ilidža, Hadžići i Trnovo.

Sastanku su prisustvovali: ministrica za odgoj i obrazovanje Kantona Sarajevo Naida Hota-Muminović, pomoćnica ministrica za predškolsko, osnovno, srednje obrazovanje i obrazovanje odraslih Lamija Husić, v.d. direktor Olimpijskog bazena Otoka Ramiz Tucak te



Sastanak u Ministarstvu

predstavnicu JU Institut za razvoj preduniverzitetskog obrazovanja Kantona Sarajevo Mersiha Šahinbegović.

Tokom sastanka razmatran je dosadašnji tok realizacije tog programa, a konstatovano je da se aktivnosti odvijaju planiranim dinamikom, bez poteškoća i prepreka. Razgovarano je i o značaju „Ško-

le plivanja“ za razvoj motoričkih vještina učenika, sigurnosti djece u vodi, unapređenju zdravih životnih navika, kao i o mogućnostima daljeg unapređenja organizacije, sigurnosti i kvaliteta rada kroz još bolju koordinaciju svih institucija uključenih u realizaciju tog programa.

Fena

Grad bogatiji za nove stanare Nove životinjske vrste i obnovljeni sadržaji u Pionirskoj dolini

Ljetna sezona u Pionirskoj dolini zvanično počinje 1. aprila

U Pionirskoj dolini u Sarajevu u toku su pripreme za ljetnu sezonu 2026. godine. U potpunosti je obnovljen objekt Terarija s majmunarnikom, koji je renoviran nakon požara u decembru prošle godine.

Pionirska dolina dobila je i novu životinjsku vrstu – prerijske pse, koji su stigli iz Zoološkog vrta u Zagrebu. Riječ je o društvenim glodarima koji žive u kolonijama i poznati su po specifičnoj međusobnoj komunikaciji.

U obnovljenom prostoru nalaze se i druge životinje, među kojima su lemu-



Pionirska dolina: Pripreme za ljetnu sezonu

ri, merkatii, pitoni, iguana i majmuni.

Ljetna sezona u Pionirskoj dolini zvanično

počinje 1. aprila, kada će biti uvedeno i produženo radno vrijeme.

Fena

ISTRAGA Mjesec nakon nesreće

Da li je u tramvaju je on izuzet kao d

Vozač tvrdi da je vozilo samo ubrzalo, kolege govore o mogućnosti da mogla dati analiza tahografa

Prošlo je više od mjesec od teške tramvajske nesreće koja se dogodila na raskrsnici kod Američke ambasade u Sarajevu, a ključna pitanja o uzrocima i odgovornosti još nemaju jasan odgovor. Već nekoliko sati nakon nesreće objavio se videozapis koji prikazuje da je tramvaj velikom brzinom ušao u raskrsnicu i tom prilikom iskliznuo sa šina.

Najveća sumnja

Od samog početka istrage najveća sumnja odnosi se na preveliku brzinu vozila u trenutku ulas-

ka u raskrsnicu. Zbog toga će jedan od ključnih zadataka istražitelja biti da utvrde koliko se brzo tramvaj kretao i ko je eventualno odgovoran za takvu brzinu.

Za sada je jedini osumnjičeni vozač tramvaja Adnan Kasapović, zaposlenik Kantonalnog javnog preduzeća „Gras“. On, međutim, negira da je imao kontrolu nad brzinom vozila uoči nesreće. Prema njegovim tvrdnjama, tramvaj je sam naglo ubrzao zbog tehničkog kvara.

Pojedini vozači „Gra-



Tramvaj ubica: Šta je prava istina

sa“ tvrde da se slična situacija ranije dešavala i njima, posebno na tramvajima istog tipa. Oni govore o pojavi koju nazivaju „zalipljena vožnja“, odnosno kvaru koji, navodno, može nastati tokom same vožnje i uzrokovati nekontrolisano ubrzavanje vozila. Međutim, javnost do danas nije dobila detaljno objašnjenje o kakvom se tačno tehničkom proble-

Obimna dokumentacija

Tužilaštvo Kantona Sarajevo potvrdilo je da je u dosadašnjem toku istrage prikupljena obimna dokumentacija, saslušan veliki broj svjedoka te pribavljena relevantna dokumentacija iz „Grasa“ i Ministarstva saobraćaja. Ipak, zbog zaštite krivične istrage nisu mogli odgovoriti na pitanja da li

je tahograf iz tramvaja pronađen, izuzet i podvrgnut vještačenju.

Iz Tužilaštva navode da je riječ o predmetu kojem je dat prioritet i da se istraga intenzivno nastavlja. Javnost će, kako su poručili, biti obaviještena o rezultatima čim budu donesene konačne odluke u ovom slučaju.

Rok za završetak je 90 dana

Ovako će izgledati novi park na Trgu heroja

Na mjestu nekadašnjeg bočališta u ovom dijelu Novog Sarajeva započeli su radovi

Načelnica Općine Novo Sarajevo Benjamina Karić objavila je fotografiju prikaza budućeg parka na Trgu heroja, koji se trenutno rekonstruira.

„Radovi su u toku, rok za završetak je 90 dana. Za ljepše lice našeg Novog Sarajeva“, napisala je Karić uz vizualizaciju novog urbanog prostora.

Podsjetimo, na mjestu nekadašnjeg bočališta u ovom dijelu Novog Sarajeva započeli su radovi na uređenju parka koji će pružiti moderan prostor za odmor, druženje i rekreaciju svih generacija.

Radovi obuhvataju obnovu pješačkih staza, postavljanje modernog urbanog mobilijara, unapređenje javne rasvjete, uvođenje sis-



Trg heroja: Obnova za veći grad

tema automatskog navodnjavanja, te hortikulturno uređenje s novim sadnicama, uz očuvanje postojećih zelenih površina.

Posebna pažnja posvećena je sigurnosti, pristupačnosti osobama s ograničenom pokretli-

vošću i kvalitetnom obnovom prostora. Idejno arhitektonsko rješenje parka izrađeno je uz aktivno učešće građana kroz participativni proces, koji je organizirao Arhitektonski fakultet Univerziteta u Sarajevu. **D. H.**

Bosna i Hercegovina Federacija Bosne i Hercegovine Kanton Sarajevo		Bosnia and Herzegovina Federation of Bosnia and Herzegovina Canton Sarajevo
Općina Stari Grad Sarajevo		Municipality of Stari Grad Sarajevo
OBAVJEŠTENJE O RASPISIVANJU JAVNOG OGLASA		
Općina Stari Grad Sarajevo, putem Stručne službe kabineta Općinskog načelnika, obavještava da je raspisan Javni oglas za prijem namještenika u radni odnos na neodređeno vrijeme. Rok za dostavljanje prijave je 15 (petnaest) dana od dana posljednje objave. Kompletan tekst javnog oglasa sa detaljnim uslovima i načinom prijave dostupan je na zvaničnoj web stranici www.starigrad.ba .		
Broj: 01-30-2203/26 Sarajevo, 16.03.2026. godine		
Stručna služba kabineta Općinskog načelnika		